

671

17250

Lio 9 n.º 16

nicolau primitiu

Valent

3 exemplars

entre la Torre el Beor

N.P.
S.XVII
F-25

fiu de San Marten baxo
la invocacion de San Miguel
Arcañel en treparter del
cor de de vallent.

cop 33
V1671 H-2


14/7

el clero de San Marten
Año de 1671

XVII


F-25

1671



**SENTENTIA LATA,
ET PROMVLGATA IN CVRIA
ECCLESIASTICA VALENTINA PER AD-
modum Reverendum Dominum D. Petrum à Grego-
rio, & Antillon D. D. ac pro Illustrissimo, & Re-
verendissimo Domino Don Ludovico Ildefonso de
los Cameros Dei, & Apostolicæ sedis gratia Archie-
piscopo Valentino, de Consilio Regiæ Maiestatis &c.
in spiritualibus, & temporalibus in præsentî Civi-
tate, & Dioecesi Valentina, Officialem, &
Vicarium Generalem.**

**IN CAUSA, QUÆ IBI DVCITVR,
ET TRACTATVR INTER THOMAM SA-
laberri Presbyterum Beneficiatum, de Beneficio insti-
tuto, & fundato per quondam Nobilem Petrum Mar-
rades, sub invocatione Sancti Michaelis Arcangeli, in
Parochiali Ecclesia Sancti Martini præsentis Civitatis
ex vna, & Rectorem, Clerum, & Beneficiatos dictæ
Parochialis Ecclesiæ Sancti Martini partibus ex
altera super admissione ad percipia, &
distributiones dicti
Beneficij.**



**Valentiæ, per Benedictum Macè, iuxta Collegium
Corporis Christi, Anno 1671.**

SENTENTIA LATA

ET PROMULGATA IN CURIA

ECCLIESIASTICA VALENTINAE PER AD-

modum Reverendissimi Patris D. Petri de Grege-
rio, & Auditoris D. D. de pro Illustissimo, & Re-
verendissimo Domino Don Ludo-
vico Camerario Dei, & Apostolice sedis gratia Archie-
piscopo Valentino, de Consilio Regis Castellae, &
in personis, & temporibus, & locis Civitatis
Valentiae, & Diocesis Valentinae Ordinibus, &
Viribus Constitutis.

IN CAUSA, QUAE IBI DVOCTVR

ET TRACTATA INTER THOMAM SA-

lazarum Presbyterum Thronum, de Beneficio in
tuto, & in fine per quendam Thronum Petrum Ma-
riam, sub investigatione, & inquisitione, & in
Procuratore Beneficii, & in fine per quendam Thronum
Petrum, & in fine per quendam Thronum Petrum, &
electi loci administratione de personis, &
distributione eius
Beneficii.



Xps.



³
T quoniam Thomas Salaberri Presbyter supplicatione posita die decimo nono mensis Septembris labentis anni millesimi sexcentefimi septuagesimi primi exposuit, se Beneficiū Ecclesiasticum possidere in Ecclesia Parochiali Sancti Martini præsentis Urbis, ibidem sub invocatione, & honorificentia Sancti Michaelis Arcangeli institutum, atque fundatum, per quondam Nobilem Petrum Marrades, & ad eiusdem percatia, distributiones, atque emolumenta, tam antiquos, quàm modernos possessores admissos fuisse, sufficienti atque legitima exigendi possessione munitos, & eandem assequutū fuisse Hieronymum Ponz Clericum illius ultimum, & immediatū possessorem in vim sententiæ, quam apud præsentem Curiam obtinuit primo Martij anni 1624. & consequenter ipsum uti Beneficiatum ad dicta Percatia, & distributiones admittendum, quo expediri mandatum adversus quos illas solvere tenentur, instantè supplicavit. Quod quidem prætextu assertæ inhibitionis, & appellationis interpositæ à sententia, quam habuit dictus Hieronymus Ponz cassari, & revocari cunctanter postulavit Michael Talens Presbyter Syndicus, & Procurator Cleri, & Beneficiatorum iam dictæ Parochialis Sancti Martini scriptura posita die vigesimo quinto eorundem mensis, & anni, quarum quidem inhibitionis, & appellationis idē Talens meminerat, illarum vigore contendens non esse admittendum dictū Salaberri, usque dum causa appellationis discussa, plene sit cognitum de admissione ad percatia, & non esse de ea cognoscendum in præsentī Curia, nisi prius super inhibitione pronunciando: Ex adverso autem præfatus Salaberri, eiusque nomine Vincentius Iaudenes Notarius, atque Procurator eiusdem enixe contendit oppositionem de inhibitione ad causam principalem remittendam, ipsamque declarari attentis meritis, & documentis in processu exhibitis, &

A 2

coa-

4
consequentè dictum Salaberri admittendum ad percatia, & distributiones, & ad illarum exactiorem mandatum supplicatum exequendum. Et quia constat Thomam Salaberri præsentis Beneficij collationem, & possessionem adeptum fuisse die decimo octavo Septembris præsentis anni, præcedente præsentatione Don Ioannis Ludovici Marrades Presbyteri Tutoris, & Curatoris personæ, & bonorum Egregij Don Ioannis Ludovici Marrades, Soler, & Vich, Committis de Sallent, dictoque nomine Patroni eiusdem Beneficij, Constat similiter præsentis Beneficij foundationi consensum Episcopi accessisse, & ex collationibus, & visitationibus exhibitis resultat dictam institutionem suum effectum habuisse, & ex eisdem apparet congruam dotem fuisse constitutam; tum quia Episcopus, nisi dote congrua assignata, suum consensum foundationi Beneficij non præstitisset, tum etiam quia Libri visitationum, cum earundem Notarius, uti Iuratus in principio Officij equivaleat duobus testibus, plenam in iudicio faciunt probationem, in quibus quidem visitationibus enuntiativa reperiuntur, quæ cum sint in antiquis à centum annis, & ultra, non solum probant, sed, & onus probandi contrarium transferunt inadversarios, & cum sint scripta à Notario, verba partium sunt censenda, & non essent in visitationibus descripta, nisi à Parte exposita, & visitatores de vera existentia rei edocti fuissent, ad quod maximè iuvat præsentia Rectoris, & Beneficiatorum, nam cum iniunctione eorundem visitationes fiunt, unde præsumendum est, quod ipsi reluctarent solvere percatia debita Beneficiato, seu tunc possessori istius Beneficij, si de congrua dote non constaret, nec de anniversario viginti solidorum quod inter alia Beneficij fundator dimiserat, & cum ex visitationibus deprehendatur, Possessores Beneficij de quo contenditur admissos fuisse ad percatia, illa ob residentiam percipiendos, scientia, & acquiescentia Cleri, & Beneficiorum iam dictæ Parochialis Sancti Martini exigisse, verius est censere,

5

fere, & etiam sequatam fuisse acceptationem Beneficiati, aut Beneficiatorum ob sufficientem Beneficij dotationem, ut de cætero firma, & efficax obligatio solvendi percatia confurgeret. Nec obstat quod allegatur de litispendentia, & asserta inhibitione; nam appellatio, & inhibicio non fuerunt habitæ adversus Prædecessorem nostrum, tanquam ordinaria iurisdictione fulgentem, sed tanquam Apostolicam exercentem, qui quidem non cognovit via ordinaria, nec tanquam ordinarius, sed tanquam iudex commissarius, & delegatus Apostolicus, in vim literarum Apostolicarum Datis Romæ apud Sanctum Petrum, anno Incarnationis Dominicæ 1609. quarto Idus Martij, Pontificatus Pauli Quinti, felicitis recordationis, anno quinto; cuius quidem iurdictio extincta non fuit anno millesimo, sexcentesimo undecimo, adepta possessione, & collatione à Hieronymo Ponz, qui tunc literas Apostolicas obtinuit, nam ipse Ponz pacificam possessionem non fuit assequutus, cum eam, aut statim amisserit, aut ex ea statim fuerit turbatus, quo in casu non currere tempus ad ordinem requisitum certius est, nam non potest dici facta executio, ex quo in continenti est facta turbatio, & istam expertum fuisse dictum Ponz, eius instantiæ manifestant, quas ex anno 1621. quò illas produxerat, usque ad annu 1624. in quò facta fuit declaratio durasse, testis est processus, aliter enim dictus Ponz litem non suscitasset, nam si exigisset quiete, & pacifice percatia ratione Beneficij eidem debita, tanquam sine causa atque calumniosè litigans alimine iudicij amotus fuisset, potestas autem, & iurdictio non spirat, nisi quam diu inductus in possessionem pacifice possedit, & sic non spirasse iurisdictionem delegatam dicto anno 1611. sed durasse ad annum usque 1624. absque dubio est censendum, cum non videatur iudicem fuisse executum, dum executio fuerit perturbata. Hinc resolvitur Prædecessoris nostri iurisdictionem, delegatam fuisse, cum ad eam (ordinariam repudians) se adstrinxerit. Tum etiam nam clausulæ in
lite-

literis contentæ id ipsum demonstrat, nam aliter Beneficium aliàs reservatum, conferre iure ordinario non potuisset. Hinc etiam resolvitur inhibitionem, si quæ sit, nostram præsentem cognitionem vulnerare non posse, nam cum plurimum distet vti ordinaria, à delegata, ad quam continendam habita, & directæ fuit inhibitiō, ex quo stricti iuris est non est de vna ad aliam causam extendenda, & amplianda, & ut cumque sit, asserta inhibitiō nos arctare non poterit, cum nobis non fuerit præsentata, nec Prædecessori nostro præsentatam fuisse sufficiat, quemadmodum, nec sufficit data notitia Decreti, & relaxationis inhibitionis ipsius præsentatione deficiente, ad cuius quidem inhibitionis effectum, & potestas, & voluntas concurrere debent, deficiente enim præsentatione, deficere voluntatem partis cuius est inhibitiō adeo certum est ut nequaquam fractor inhibitionis dici poterit, qui illam non servavit. Ultra etiam, quod transcurfus temporis non parum officit literis, in quibus inhibitiō continetur, & dum tantopere appellatiō non fuit prosequuta, aut ab illa recessisse, aut sententiæ latæ voluntarie parvisse præsumi videtur. Cumque nos sine figura iudicii, sed sola facti veritate inspecta, iura dicere debeamus, articulos emergentes (quamvis animo differendi non fuerint propositi) nō est nostrum, prius quam causam principalem declarare, illos enim non impedire pronuntiare super negotio principali certius est, & similiter eosdem incidenter declaratos manere habita declaratione causæ principalis. Id circo, & alias pronuntiamus, sententiamus, & declaramus mandatum provisum in calce scripturæ positæ per Thomam Salaberri Presbyterum die decimo nono Septembris labentis anni, exequendum fore, & esse, prout cum præsentem exequi mandamus, & per consequens repellenda fore, & esse, prout cū præsentem repellimus remedia proposita per Michaellem Talens Presbyterum Syndicum dictorum Cleri, & Beneficiatorum dictæ Parochialis Sancti Martini præsentis Urbis, scriptura diei vigesimi quin-

7

quinti eiusdem mensis Septembris, repulsis articulis per
eum præsentatis diebus decimo nono Septembris, &
septimo præsentium, & neutram partium in expensis
condemnamus. Quod ita pronuntiamus, sententiamus,
& declaramus nõ solum præmisso, sed omni meliori mo-
do quo possumus.

Doct̃or Gregorio

Vicarius Generalis.

Lata, lecta, & publicata fuit huiusmodi sententia in
Curia Ecclesiastica Valentina de provissione, & manda-
to admodum Reverendi Domini Officialis, & Vica-
rij Generalis Valentin. mane hora Audientiæ, per me
Ioannem Baptistam Serra Presbyterum. Auctoritate
Apostolica Notarium vice, ac loco scribæ dictæ Curia
Eccles. Die xx. Novembris anno à Nativitate Domi-
ni M.DC.LXXI. ad instantiam Vincetij Iaudenes No-
tarij Procuratoris Thomæ Salaberri Presbyteri altera
parte citata, & comparente Michaeli Talens Presbyte-
ro Syndico Cleri, & Beneficiatorum Parochialis Ec-
clesiæ Sancti Martini præsentis Civitatis. Præsentibus
protestibus Doctore Paulo Maronæ, Vincentio Llopis
Presbyteris, Melchiorre Morales Notario, & Ioanne
Baptista Lança Clerico Valentiaë habitatoribus, & mul-
tis alijs.

Recepit Serra Presbyter
Not. pro Scriba.

R. P. D. CALATA IV.

VALENTINA DISTRIBUTIONVM.

Lunæ 3. Iulij 1673.

DE Beneficio perpetuo, & residentiali, quod Anno 1382. fundaverat Petrus Marradas, in Ecclesia Sancti Martini, Civitas Valentia, sub invocatione Sancti Michaelis Arcangelis, provissus postremò fuit ab Ordinario ad nominationem Hæredum dicti Petri, Thomas Salaberus, qui pro consequendis distributionibus quotidianis, litem introduxit contra Rectorem, & Beneficiatos dictæ Ecclesiæ, & ab Ordinario sententiam favorabilem reportavit; sed cum ista fuisset postmodum ab alio Iudice revocata, causam appellationis mihi committi obtinuit, undè dedi dubium, an ei distributiones debeantur, & affirmativè resolutum fuit.

Agitur enim de Beneficio habente præcissam obligationem interessendi Divinis Officijs ad instar aliorum Beneficiatorum, ut patet ex fundatione data in summario, numero primo, ibi: Voglio, che il detto Sacerdote, sia tenuto à celebrare, & assistere alle hore Diure, è notture, è farè quella servitù, che gl' altri Beneficiati di detta Chiesa sono tenuti, è devono fare. Ideo, dum Thomas est paratus interesse, non est privandus distributionibus quotidianis, quæ interessentibus debentur capit. unico de Cleric. non residen. in sexto. Rota, decis. 720. num. 3. parte 3. recentiorum, & coram Buratto, decis. 193. num. 17. & coram Vbaldo, decis. 250. num. 1. & sequentibus.

Non obstat, quod in Diœcesi Valentina, vigeat constitutio Episcopi, vitalis decernens non posse admitti fundationem Beneficij, non habentis fructus ascendentes saltem ad libras quindecim, non constituto per fundatorem Anniveriario decem solidorum; quia, dum fundatio facta fuit usquè de Anno 1382. præsentis, acceptante, confirmante, & autorizante Episcopo Ordinario, ut expressè legitur in dicto summario num. primo, omnia requisita necessaria intervenisse credendum est, & signanter congruam dotem fuisse constitutam, ut norant Lambertinus, de Iure patronatus, lib. 1. part. 1. art. 11. Barbof. de Iure Eccles. lib. 3. cap. 4. nu. 22. Rota, decis.

521.num.1.part.2.recentiorum. Immo stante erectionis antiquitate, & longæva observantia præsumitur etiam dictæ constitutionis derogatio, ut dicit Rota, *decis. 245. num. 30. part. 8. & decis. 150. nu. 15. part. 9. recentior.* Et verè de dotatione nedùm in libris quindecim, sed etiam in libris viginti, necnon de Aniversario apertè constat tam ex instrumento foundationis, quàm ex enunciativis emissis ab Ordinarijs in actu visitationis dicto summario numero tertio, quibus credendum est, Rota coram Dunogetto Seniore, *decis. 211. num. 12.* & coram Corino, *decis. 666. num. 30.* & post Vivianum de Iurep. *decis. 25. nu. 12.* Et Anniversarij existentia comprobatur, ex attestatione Vicarij, eiusdem Ecclesiæ dicentis à ducentis Annis, & ultra celebrari aniversarium pro anima Altradonæ uxoris Petri fundatoris, eiusque consaguineorum, & affinium dicto summario numero decimo, quæ celebratio proculdubio referenda est ad causam foundationis huius Beneficij, dum de alia non apparet. Barbof. *axiom. 12. num. 23.* Surd. *decis. 15. num. 13.* Gregorius, *decis. 92. num. 7.*

Præterea ex testibus datis in dicto summario numero undecimo, & ex partitis extractis, ex libris eiusdem Ecclesiæ, numero duodecimo probatur, quod de consuetudine, quæ viget in tota Civitate, & Diocesi Valentia, defectus dicti Anniversarij quodcumque suppleri potest à Beneficiato, mediante oblatione Decem solidorum præcipuè ad effectum consequendi distributiones, prout moderni hæredes fundatoris noviter assignaverunt dicto summario numero decimo tertio, quæ consuetudo in materia distributionum plurimum attendi solet. Parisius, *conf. 32. num. 20. lib. 4.* Rota coram Poenia, *decis. 371. num. 2.* Et ita una tantum.

Decission à favor del Dotor Tomas Salaberri, contra el Reverendo Clero de la Parroquial de San Martin, de Valencia.

I. M. I.

R. P. D. CALATA IV.

VALENTINÆ DISTRIBUTIONVM.

Meraerij 4. Iulij 1674.

Cum resolutum fuerit die 3. Iulij. 1673. deberi Thomæ Salaberio, distributiones; obtenta per Clerum Sancti Martini, nova Audientia, dedi dubium. An sit standum, vel recedendum, & die 14. Ianuarij, proxime præteriti dilata resolutione, hodie in Decissis responsum fuit, quia fundamenta Decissionis subsistunt, dum Thomas, habet suam intentionem fundatam in obligatione interessendi Divinis Officijs, & sic consequendi distributiones quotidianas ad istum effectum destinatus, ut firmat Decissio, §. 2. agitur enim Penia, decis. 1499. num. 2. & decis. 1536. num. 2. Barbof. de Canon. & Dignitat. cap. 21. num. 3. & seq. Rota, decis. 115. num. 23. part. 6. & decis. 59. num. 9. & seq. & decis. 309. nu. 17. part. 7. recentiorum. Concurrentibus præcipuè requisitis, nempe legitima fundatione sui Beneficij cum dote, & Anniversario, iuxta formam constitutionis Episcopi Vitalis, ut de dote constat, ex instrumento fundationis summario, dato per Thomam 3. Iulij 1673. num. 1. ac esse in instrumento inito per Episcopum, Anno 1383. ibi: Per quod est certum de institutione, & dotatione cuiusdam Beneficij Ecclesiastici, quod idem Petrus Marrndes, in manu nostra fundavit in dicta Ecclesia. Summario hodierno Thomæ, num. 1. cui Attestationi tamquam factæ per Episcopum Ordinarium est præstanda integra fides. Rota, decis. 521. num. . part. 2. recentior. Et de Anniversarij decem solidorum constitutione constat ex enunciativa prædicti Ordinarij, in visitatione Anni 1391. ubi ita testatur: Item dimissit Anniversarium viginti solidorum, ut dicto summario Thomæ, num. 3. lit. A. Quibus enunciativis credendum esse, maxime in re antiqua firmavit, Rota coram Dunogetto Seniore, decis. 211. num. 11. & coram Bicchio, decis. 162. num. 8. & seq. Roboratis mediante attestazione præsentis Vicarij Ecclesiæ Sancti Martini, eodem summario, num. 11.

Obie-

Obiectum, quod fundatio Beneficij, sit cum promissione dedotando non autem cum effectiva dotatione contra dispositionem constitutionis Episcopi Vitalis requirentis dotem effectivam, tollitur, ex facto per verba instrumenti foundationis prædictæ, ibi: *Venti libre annuali, censuali, senza laudemio perpetuamente*, & ibi: *Prometto di dare al detto Sacerdote delli mei boni venti libre*. Quæ verba non important simplicem promissionem dedotando, sed promissionem de dando quolibet Anno annuam responsionem, fundatam in bonis, quæ sufficit, dum **D**os Beneficij, potest constitui in Annuo redditu. Lambertin. *de Iure patronatus*, lib. 1. part. 1. quæst. 5. art. 10. num. 2. & artic. 22. num. 3. post principium, vers. *Amplia secundò*, & plenè firmavit. Rota, in decis. 284. num. 13. & seq. & num. 19. & 20. ubi fortius posse etiam constitui in centu redimibili, part. 7. & decis. 62. num. 7. & seq. part. 11. recent.

Cui promissioni Petri, fundatoris, accedit altera eiusdem pro hæredibus, ibi: *E doy pro la mia morte, che li miei heredi, siano tenuti, & obligati, in virtù di questa scrittura di consegnare, ò assegnare, quelle venti libri dette censuali, & annuali, senza fatiga, &c.* Cuius assignationis effectus subsequutus habetur pro parte super certis possessionibus, & pro alia super hospitio, ut ex annunciativa visitationis Ordinarij, Anni 1391. dicto summario, num. 3. Quæ attenta præcipuè tam magna antiquitate temporis, & quod agitur de mero facto, sufficienter probat. Rota coram Coccino, decis. 666. num. 3. & coram Dunogetto Iuniore, decis. 211. num. 12. & in *Meleviana Beneficij* 14. Martij 1664. S. *Pertinentia*. Coram R. P. D. meo Vicecomite; ultra quod concurrunt aliæ probationes quod dotatione habuerit effectum, & præcipuè summario hodierno, num. 2. per aliam visitationem, Anni 1388. antecedenter, & summario, num. 4. per concordiam, inter Regem Aragoniæ, & Clerum, ubi fit mentio de Beneficiariis Sancti Martini, & in specie de Iacobo Poch, ibi: *Qui tenet Beneficium, institutum per Petrum Marrades, cum suis redditibus, dum bona assignata pretendebantur de regalibus Regijs, ex quibus omnibus nullo modo de dotis assignatione dubitandum Domini existimarunt.*

Non obstat, quod in visitatione Anni 1391. enunciatur, quod bona assignata erant controversa ab uxore Petri, fundatoris, quia sola controversia non convincit evictionem dotis, sed potius probat

bat contrarium, & tamen si adesset realis evictio adhuc dici non posset Beneficium remansisse sine dote, multoque minus Beneficium fuisse extinctum, quia cum dos inceptit à promissione hæredes fundatoris tenebantur de evictione. Rota, *decis. 62. num. 10. part. 11. recent.* Et cessat etiam dubium, quia constat, quod verè Beneficium actualiter postea duraverit cum eadem Dote, ut ex alia visitatione Ordinarij, Anni 1401. summario prædicto, *num. 5.* & ex permutatione facta, interveniente assensu hæredum fundatoris, à Jacobo Poch cum Duarde, Anno 1422. summario Thomæ, *num. 4.* ubi expressa adest clausula: *Nihil de proprietate dicti Beneficij vendere, seu alienare quomodolibet præsumatis.* Ex quo dignoscitur existentia dotis non defecisse.

Similiter repellitur alterum obiectum visitationis, Anni 1401. in qua Ordinarius inveniens lampadem non ardentem requisivit de causa, & Jacobus Poch, Beneficiatus, respondit: quia Beneficium nullum redditum habebat; nam constat de contrario, ex visitatione, Anni 1391. in qua enunciatio fuit per hæc verba, ibi: *Item, dimisit unum Anniversarium 20. solidorum, unam lampadem, pro qua dimisit 20. solidos rendales;* dicto hodierno summario, Thomæ, *num. 3. littera A.* Et quatenus defecisset redditus lampadis, legatū 20. solidorū pro lampade, nihil commune habet cum erectione Beneficij, & eius Dote, & demum animadvertendum est, quod dicta assertio à Beneficiato fieri potuit ad evitandam poenam.

Nec dicatur, quod ad effectum ut novus Beneficiatus possit participare de distributionibus duo copulativè requirantur præter dotem Beneficij, & Anniversarij, iuxta constitutionem Episcopi Vitalis, nempe quod sit per Clerum admissus, & receptus in consocium, & ad comparticipationem distributionum, nec non quod præter dotem Beneficij, sit dotata Ecclesia, vel saltem aliquid contributum pro ipsis distributionibus constandis, & augendis; nam obiectum procederet, quando distributiones provenirent ex Massa dotis, seu præbendarum conbeneficiorum ad formam Concilij Tridentini, *sessione 23. cap. 3. de reform.* Secus verò quando, ut in casu præsentis agitur de Beneficiatis erectis, ante Concilium, & de distributionibus, quæ proveniunt, vel ex celebratione Missarum, vel Anniversariorum, & ex alijs similibus causis etiam eventualibus, vel proveniunt ex proprijs Ecclesiæ redditibus, quia tales distribu-

B

tiones

tiones debentur omnibus admisis ad servitium Ecclesiæ, & ipsis interservientibus, siue antiquis, siue modernis, ut distinguendo declaravit. Rota coram Pœnia, *decis.* 1536. *num.* 5. & *decis.* 720. *num.* 4. *part.* 3. *recent.* Maximè in præsenti Ecclesia Sancti Martini, ubi tunc non aderat certus numerus Beneficiatorum, ita ut faceret Collegium, & de iure Beneficiati in Ecclesia, in dubio non intersunt uti Collegium, sed uti singuli. Rota coram Coccino, *decis.* 2081. *num.* 4. & *decis.* 666. *num.* 5. Et ideo sufficit, quod sint de Corpore, & gremio illius Ecclesiæ, ac uti tales interserviant, ad hoc, ut lucrentur distributiones tanquam præmium laboris præstiti in Ecclesia, qui solum consideratur, non autem titulus Beneficij. Oltiad. *conf.* 118. *num.* 2. & 3. Rota, *decis.* 24. *num.* 9. & 10. *part.* 8. & *decis.* 377. *num.* 16. & 17. *part.* 12. *recentiorum.*

Quod autem Beneficiatus Sancti Michaelis, fuerit admissus ad servitium Ecclesiæ Sancti Martini, controversi nullo modo potest, non solum ex fundatione cum onere personaliter residendi, & interserviendi Ecclesiæ confirmante, & approbante Archiepiscopo Ordinario, ut ex summario supradicto, *n.* 1. nec non ex litteris patentibus provisionis, & institutionis Beneficiatorum, in quibus præcisè dictum onus Beneficiato imponitur, ibi: *Faciatis in dicto Beneficio residentiam personalem, debitum illi Officium impèdendo summario Thomæ 1673. num.* 2. 4. & 5. verum etiam ex pluribus visitationibus, & præcipuè in illa, Anni 1391. summario hodierno, *num.* 9. in qua Beneficiatus Sancti Michaelis, positis fuit in tertio loco Beneficiatorum interservientium cum attestazione boni servitij, ibi: *Interrogato si Clerici Beneficiati, & substitui bene fecerunt Officiū, & invenit. Benè* Iacobus Poch, & tandem ex licentia, per ipsum Beneficiatum obtenta ab ipso Ordinario pro absentia unius Anni ad effectum non amittendi distributiones, stante præcedenti ipsius Ordinarij prohibitione sub eadem poena summario hodierno Thomæ, *num.* 10. Quibus omnibus concurrentibus patet ad oculum Beneficiatum Sancti Michaelis, fuisse receptum in gremio Ecclesiæ Sancti Martini, & pro servitio præstiti lucrasse distributiones. Rota, *decis.* 254. *num.* 1. *part.* 10. & *decis.* 59. *num.* 1. & *sequent. part.* 7. *recent.*

Consilium Carbien. 170. *num.* 1. & 2. *lib.* 1. per Clerum allegatum non adaptatur casui nostro præsenti, dum respondet super
quæ-

7
quæstione, an Canonici supranumerarij haberi debeant, distributiones, & concludit in casu suo negativè, quia Provisio Patet, erat facta sine præiudicio antiquorum, secus autem si supranumerarius fuisset admissus per Capitulum simpliciter sine præservatione suorum Iurium, & ita eum declarando sequitur. Tondut. *quæst. benef. cap. 68. num. 13. part. 1.*

In præsentem autem casu dum versamur in beneficio erecto tribus ab hinc sæculis in Ecclesia, quam non iustificatur habuisse de eo tempore certum numerum Beneficiatorum, & in Beneficiato simpliciter per Ordinarium admissio, & per Clerum recepto absque ulla Iurium præservatione eo ipso, quod dictus Beneficiatus intervivit, lucratus est distributiones, quæ interessentibus debentur. Rota coram Vbaldo, *decis. 250. num. 1. & sequent. Burat. decis. 193. num. 17. & decis. 720. num. 3. part. 3. recent.* Accedentibus antiquitate erectionis, & longeva observantia. Rota, *decis. 245. num. 30. part. 8. & decis. 150. num. 15. part. 9. recent.* Quæ non solum videtur continuata in Beneficiato præsentem Sancti Michaelis, verum etiam in alijs Beneficiatis eiusdem Ecclesiæ Sancti Martini, qui habentes tantum requisita Episcopi Vitalis, nempe dotem librarum quindecim & Anniversarium. Immo nonnulli sine Anniversario, sed solum facta obligatione de soluendo Annuis solidis decem, prout fecit Thomas Salaberius, iuxta consuetudinem, fuerunt admissi absque ulla contradictione ad participationem distributionum, ut & summario hodierno Thomæ, *num. 6. 7. 8. 13. & 14.* Ex quibus omnibus, & alijs in alia Decisione deductis iterum Domini in decisissimis iterum unica tantum parte informante.

R. P. D. Calataia.

Valentina distributionum.

Pro

A. R. D. Thoma Salaberri Beneficiato Sancti Michaelis.

Contra

RR. DD. Clerum, & ceteros Beneficiatos Ecclesiæ Sancti Martini Valentini.

Cop. Decis. 4. Julij 1674.

R. P. D.

R. P. D. CALATAIV.

VALENTINA DISTRIBUTIONVM.]

Luna 4. Februarij 1675.

THOMÆ PETENTI DISTRIBUTIONES QVOTIDIANAS, informantes pro Clero Sancti Martini iterum opponebant non iustificasse dotationem Beneficij, & foundationem Anniversarij ad formam Constitutionis Episcopis Vitalis: verum Domini perstiterunt in decis 3. Iulij 1673. & 4. Iulij 1674.

DE institutione, & dotatione siquidem Beneficij facta à Petro Marrades, clarè constat ex instrumento foundationis de anno 1382. dato in hodierno summario Cleri numero primo, quod non continet, ut prætenditur, simplicem promissionem dotandi, sed effectivam dotationem, ut patet ibi: *Facio, constituo, & ordino unum Beneficium, &c. & promitto illud dotare viginti libris annuis censualibus, subconditionibus, quod Dominatio vestra, seu vester Vicarius generalis faciatis recipere in Beneficium illum Præbiterum, seu Clericum idoneum qui mihi, si vè Patrono post meum obitum bene visus fuerit, &c. Et promitto impostero mea vita durante celebrari facere dictum Beneficium, & dare ex meis bonis Præbitero, qui illud celebrabit ad meum libitum illam portionem, quæ mihi bene visa fuerit, & post meum obitum promitto dare Præbitero, ex meis bonis 20. libras, &c. vel quod hæredes teneantur emere seu assignare dictas 20. libras, in censibus rendalibus, & annualibus, &c. & ibi: Nos D. Iacobus Episcopus Valentinus dictam institutionem Beneficij, &c. acceptamus, approbamus, & laudamus. Ex quibus verbis apertè colligitur Beneficium verè fuisse institutum, & dotatum cum dote annua librarum 20. extrahenda ex bonis fundatoris autorizante, & approbante eodem Ordinario, cum Dos Beneficij constitui etiam possit in annuis redditibus, ut præter adductos, in 2. decis. §. Obiectum habetur ex text. in Canon. Placuit prima, quæst. 2. Rocch. de Curt. de Iurep. verb. & dotavit num. 13. Et in specie promissionis pecuniarum adimplendæ per hæredem tenuit. Rota in Melevitana Bene-*

Beneficij 14. Martij 1664. coram Bonæ memoriæ Vicecommi-
te.

Quod autem dotatio habuerit effectum. Primò, desumitur ex nominatione, & institutione subsequuta in personam Iacobi Poch, cum prohibitione alienandi bona spectantia ad Beneficium. Secundò, ex instrumento Anni 1385. factò ab Ordinario, in quo leguntur talia verba: *Ad plenum vidimus publicum instrumentum, per quod est certum de institutione, & dotatione Beneficij Ecclesiastici, quod idem Petrus Marrades, in manu nostra fundavit in dicta Ecclesia sub invocatione Sancti Michaelis.* Tertio, ex concordia inita, in Regem Aragoniæ, & Clerum Ecclesiasticum Valentinum, in quâ fit mentio Beneficiatorum Sancti Martini, & inter istos recensetur Iacobus Poch, sub his verbis: *Item, Iacobus Poch, Presbiter, qui tenet unum Beneficium, institutum per Petrum Marrades, cum suis redditibus.* Quarto, ex permutatione dicti Beneficij, facta de Anno 1422. cum Ioanne Daudè, cui Ordinarius iniunxit onus personæ residendi, prohibuitque alienationem bonorum spectantium ad dictum Beneficium. Quintò, ex visitationibus factis de Anno 1388. 1391. & 1401. in quibus pariter fit mentio de dotatione, & assignatione bonorum, de residentia Beneficiati, de dotatione Anniversarij, & assignatione reddituum pro lampade. Quæ omnia exuberant ad probandam effectivam assignationem reddituum pro dote, & Anniversario ex Lambert. Barbos. & alijs in 1. decis. alleg. §. *Non obstat.* Imò in hac re antiquissima satis esset enunciativæ emissæ ab Ordinarijs in dictis visitationibus, quibus credendum est. Rota, post Vivian. de Iure patr. decis. 26. n. 12. & coram Coccin. decis. 26. n. 12.

Et de dotatione Anniversarij constat, ex supradicta enunciativa, vel quatenus ob temporis antiquitatem concludenter constare non posset de dotatione effectiva dicti Anniversarij, adhuc de consuetudine vigente in tota Dicecesi Valentina, sufficit oblatio solidorum decem facta ab hæredibus fundatoris, ut firmat 1. decis. §. *Præterea.*

Cumquæ ex supradictis appareat sufficienter de dotatione, & versetur in Beneficio habente præcissam obligationem interessendi, & interveniendi Ecclesiæ, Thomas, qui est paratus intervire, debet etiam admitti ad consequendas distributiones, ut in puncto, dixit

C

Rota

*Rota, in Valent. distrib. 6. Febr. 1613. coram Vbaldo, cum alijs re-
latis in dictis decisionibus coram me, quæ respondent etiam obiectis de
novo repetitis.*

Et ita utraque, &c.

CHristi nomine invocato. Pro Tribunali sedentes, & solum
Deum præ oculis habentes per hanc nostram diffinitivam sen-
tentiã, quam de Dominorum coadiutorum nostrorum voto, & as-
sensu ferimus in his scriptis in causa, & causis, quæ primo, & in pri-
ma coram Ordinario Valentino, seu eius Vicario generali. Secun-
dò, & in secunda coram Rev. Domino Francisco de Roses, Cano-
nico Dertusen. Tertiò, & in tertia, seu alia veriori coram Nobis
versæ fuerunt, & vertuntur instantiis inter Reverendum Dominum
Thomam Salaberrum Rectorem Beneficij S. Michaëlis Archange-
li, fundati in Parochiali Ecclesia Sancti Martini Valentia, à Petro
Marradas Actorem, & appellatorem ex una, ac Reverendos Clerum,
& Beneficiatos dictæ Ecclesiæ S. Martini Reos conventos, ac ap-
pellatos partibus ex altera de, & super perceptione, ac solutione
respectivè Percassiorum, seu Distributionum quotidianarum, rebus-
que alijs in actis causæ, & causarum huiusmodi latius deductis, ad
quæ, &c. Dicimus, pronunciamus, decernimus, declaramus, & diffi-
nitivè sententiamus benè fuisse, & esse provocatum, & appellatum
per dictum Dominum Thomam Salaberrum, nomine quo supra à
sententia in secunda instantia, seu, &c. lata per dictum Dominum
Franciscum de Roses, Canonicum Dertusen. malequè fuisse, & es-
se per eum iudicatum, ideò illius sententiam fore, & esse revocan-
dam, & annullandam, prout per præsentis revocamus, & annulla-
mus, & pro revocata, & annullata haberi volumus, & mandamus,
beneque fuisse, & esse iudicatum per dictum Dominum Ordinariũ
Valentinum, seu eius Vicarium generalem in prima instantia, favo-
re dicti Domini Thomæ, propterea illius sententiam condemnãtem
dictos Clerum, & Beneficiatos Sancti Martini, ad solvendum di-
ctas Distributiones, & Percassia dicto Domino Thomæ, nomine quo
supra, fore, & esse confirmandam, prout per præsentis confirma-
mus, & pro confirmata haberi volumus, & mandamus.

Item pari nostra diffinitiva sententia Victos Victori in expensis
condemnamus, quarum, & dictarum Distributionum, & Percassio-
num

rum taxationem, & liquidationem à die motæ litis Nobis, vel cui de iure impofterum reservamus, & ita dicimus, pronunciamus, decernimus, declaramus, revocamus, confirmamus, condemnamus, & diffinitivè sententiamus, congrua congruis referendo, non solum modo prædicto, sed, & omni alio meliori modo, &c.

Ita pronunciari Vincentius Galatain, Sacra Rota Auditori

Publicata die 3. Iulij 1675.

R. P. D. EMERIX.

VALENTINA DISTRIBUTIONVM.

Mercurij 31. Ianuarij 1680.

REportato ad Urbem processu remissoriali, & repropoſita in hodierna Audientia cauſa ſuper meritis, placuit, confirmandam eſſe ſententiam Rotalem, qua pronunciatum fuit Thomæ deberi Distributiones, quia ipſe, iuxta legem appoſitam, tam à Petro Marrades, in fundatione Beneficij, quàm ab ordinario in illius approbatione, habet onus, & obligationem intereſſendi Divinis Officiis ad inſtar aliorum Beneficiatorum Summo. num. 1. & 2. Vnde quemadmodum cœteri Beneficiati, quatenus divinis interſint participant de distributionibus quotidianis, ita etiam ad illarum participationem admitti debet Thomas, qui tenetur, & promptus eſt intereſſe, ad Textum, in cap. cum ſecundam 16. de Præben. & cap. ultimo de Cleric. non residen. in 6. Rota, deciſ. 720. num. 1. par. 3. recen. & coram Vbaldo Seniore, deciſ. 250. n. 1. & ſeqq. tom. 1.

Nec obſtat, quod in Eccleſia Sancti Martini, Maſſa communis Distributionum ſit conflata ex Dotibus, ſeu contributionibus factis à fundatoribus Beneficiorum, ac proinde, dum Thomas non docet de contributione facta à Petro fundatore ſui Beneficij, contra ipſum urgeat regula, quod, qui non contribuit, non participet, ad tradita per Barboſam, ad Sac. Concilium Triden. ſeſſ. 21. cap. 3. de reformat. ſub num. 18.

Quia

Quia cum testes vigore remissoriae examinati, quorum plures sunt Beneficiati eiusdem Ecclesiae, deponant Distributiones consistere, tam in fructibus bonorum à fundatoribus traditorum pro Dote Massae communis, quam etiam in aliis redditibus propriis Ecclesiae legatis piis, anniversariis, aliisque emolumentis, ut in summo. Thomae, num. 11. & ulterius quod antiquitus pro Dote Massae communis constituebatur perpetuum Anniversarium solidorum decem, quae summa, licet hodiè videatur valde tenuis, adhuc tamen in spectro tempore foundationis huius Beneficii à tribus saeculis circiter erecti, erat sufficiens pro dotatione Massae, eodem summario, num. 12. utique satis est quod Petrus in foundatione eiusdem dotaverit Ecclesiam, seu Massam communem de tali Anniversario, prout fecisse constat ex visitatione Anni 1391. relata in summario, num. 4. ubi legitur. *Ipsam effective assignasse, seu dimisisse unum Anniversarium solidorum viginti.* Iuncto extracto ex libro Collationum, Anni 1383. fol. 115. summario, num. ultimo, in quo dicitur. *Invenies registratam licentiam sepelliendi concessam Petro Marrades, & suis ratione Beneficii, & Anniversarii per supradictum institutus.*

Et quod modernus Patronus, & Beneficiatus offerant effective solvere pro eo solidos viginti, iuxta consuetudinem vigentem in Civitate, & Dicecesi Valentina, ut deponunt testes Summ. num. 13. & firmatum fuit in praecedentibus Decisionibus huius causae 3. Julij 1673. S. finali. & 4. Februarij 1675. S. & de dotatione, coram R. P. D. meo Calataiu. Ad hoc ut Thomae denegari non possit petita participatio Distributionum Seraphin. decis. 1062. sub num. 1. vers. *Nec etiam cum aliis adductis in Decissione super Remissoria* 20. Ianuarij 1676. S. *Recebatia*, & 4. Maij eiusdem anni. S. *His namque probatis coram te.*

Idque eo magis, quod in eadem Ecclesia Sancti Martini ad sunt plures foundationes aliorum Beneficiorum contemporaneae ad foundationem Beneficii, de quo agitur, in quibus nulla legitur tunc assignata dos Ecclesiae, excepto Anniversario solidorum decem, nequè aliundè apparet ex post assignatam fuisse aliam, & nihilominus Beneficiati semper participarunt de Distributionibus Summ. num. 18. & 19. undè ne contra dispositionem Textus, in l. illud quaesitum 32. & ibi glos. in verb. etiam si. ff. ad leg. aquil. huiusmodi Bene-

Beneficia eodem modo, & forma erecta, diverso iure iudicentur, dicendum est, Thomam quoque frui debere distributionibus simul cum alijs Beneficiatis, ut advertit, Rota coram Vbaldo, *dicta decis.* 250. num. 1. & 2. part. 1.

Minus facit, quod assistentia Iuris fundata in obligatione interessendi Divinis Officijs, iuxta text. in cap. unic. de Cleric. non resid. procedat solum probatio prius ab eo, qui prætendit gaudere distributionibus, quod ipse, seu illius Antecessores fuerint admissi in gremio Beneficiatorum, ut responsum fuit, coram Coccino, *decis.* 10016. num. 9. & in Vaden. distributionum 1. Iulij 1671. §. Viceversa, coram R. P. D. Calataiu. Quoniam admissio Thomæ, seu illius Antecessorum, non solum ad servitium Ecclesiæ, una cum alijs Beneficiatis, sed etiam ad participationem distributionum, rectè desummitur, tum ex confirmatione, & approbatione erectionis huius Beneficii, cum tali qualitate facta ab Ordinario; tum etiam ex pluribus successivis visitationibus, & signanter ex illa Anni 1391. in qua Archiepiscopus commendavit pietatem, & servitium benè præstitum à Iacobo Poch, de illo tempore Beneficiato; tum demum ex licentia obtenta ab eodem Iacobo, de Anno 1407. ut posset per annum inservire Ecclesiæ, per substitutum absque eo quod incideret in pœnam omissionibus distributionum iuxta edictum Archiepiscopi, præcedenter emanatum summario, num. 15. & 16. Nam, si verè Iacobus, non fuisset admissus ad participationem distributionum, utique licentia non indignisset, ut in similibus terminis, inquit Rota coram Excellentissimo Ottobono, *decis.* 117. num. 9. & 10.

Parum relevante responsione data ab informantibus pro Rectore, & Beneficiatis, quod licentia potuerit à Iacobo Poch, obtineri ad alium effectum, nempe ad evitandam pœnam in obedientiæ, & solidorum decem; quia hæc pœna inobedientiæ, & solidorum decem fuit imposita Rectori, & Clero, si solverent distributiones Beneficiatis, qui non intervirent Ecclesiæ per se ipsos, non autem ipsis Beneficiatis, qui contravenirent inserviando per substitutum, quibus dumtaxat fuit imposita pœna ammissionis distributionum, & aliorum reddituum.

Et ita, omissis alijs, quæ repetebantur ab informantibus pro Rectore, tanquam benè sublatis in præcedentibus decisionibus,

D

coram



coram R. P. D. meo Calataiu , cum quibus Domini transie-
runt, resolutum fuit.

Vtraque, &c.

R. P. D. Emerix.

Valentina Distributionum.

Pro

A. R. D. Thoma Salaberri Benefi-
ciato Ecclesiæ Sancti Mar-
tini Valentia.

Contra

A. R. R. D. Rectorem, & ceteros
Beneficiatos Sancti Martini
Valentia.

Copia Decisionis.

Ripoll, 56 - g c d

